

食貨典第二十三卷

農桑部彙考四

唐二

高祖武德五年詔諸司休假務農流罪以下亦放收穫 按唐書高祖本紀不載 按冊府元龜武德五年四月戊辰謂羣臣曰比者兵革事煩不遑隴畝今諸方略定軍國無虞太平之基在於家給人足今茲麥旣大熟宜停庶務每司別留一二人守曹局餘皆宜休假親事務農流罪以下囚罪名定者亦放收穫

武德六年詔有司勸農 按唐書高祖本紀不載 按冊府元龜六年六月乙未詔曰有隋喪亂區宇分離百姓凋殘弊於兵甲田畝荒廢饑饉薦臻元元無辜墮於溝壑朕膺圖馭極廓清四海安輯遺民期於寧濟勸農務本蠲其力役然而邊鄙餘官向或未除頃年已來戎車屢出所以農功不致倉廩未登永念於茲無忘寤寐今旣風雨順節苗稼實繁普天之下咸同茂盛五十年來未嘗有此倉箱之積指日可期時爲溽暑方資耕耨廢而不修歲功將闕宜從優縱肆力千頃其公私債負及

古今圖書集成
追徵輸送所至處且勿施行尋常營造役使工匠事非急要亦宜停止見在囚繫事未決斷傍引支證未須追迫司攝常務並宜且停內外官人行署以上量事分播皆盡九月三十日其軍機急速及盜賊之事不在停限州縣牧宰明加勸導咸使戮力無或失時務從簡靜以稱朕意

太宗貞觀元年三月癸巳皇后親蠶

按唐書太宗本紀云云

按唐會要貞觀元年三月十日

文德后率內外命婦有事于先蠶

貞觀三年正月癸亥耕籍田

按唐書太宗本紀云云

按禮樂志貞觀三年太宗將親耕給事中

孔穎達議曰禮天子籍田南郊諸侯東郊晉武帝猶東南今帝社乃東壇未合於古太宗曰書稱平秩東作而青輅黛耜順春氣也吾方位少陽田宜于東郊乃耕于東郊

按冊府元龜三年正月

十八日詔曰周宣王在位以墜茲禮近代以來彌所多闕朕祇承大寶憲章典故今將履千畝於近

郊復三推於舊制宜令有司式遵典禮二十一日親祭先農籍於千畝之甸自晉氏南遷此禮久廢

今始行之觀者莫不駭躍祕書郎岑文本獻籍田頌以美之初議籍田方面所在給事中孔穎達曰

禮天子籍田於南郊諸侯於東郊晉武帝猶於南郊今於城東不合古禮帝曰禮緣人情亦何常之

有且虞書云平秩東作則是堯舜敬授人時已在東矣又乘青輅載黛耜者所以順其春氣故知合在東方且朕見居少陽之地田於東郊蓋其宜也於是遂定自後每歲嘗令有司行事也

貞觀四年以麥大稔謂民安年豐爲上瑞羣臣皆賀 按唐書太宗本紀不載 按冊府元龜四年

四月帝以夏麥大稔謂御史大夫蕭瑀曰前代帝王以鱗鳳龜龍爲嘉瑞朕以民安年豐爲上瑞公謂若何在位者皆賀

貞觀九年三月文德皇后率內外命婦有事於先蠶 按唐書太宗本紀不載 按文獻通考云云

貞觀十四年劉仁軌上奏諫獵事妨農帝降璽書勞之 按唐書太宗本紀不載 按舊唐書劉仁

軌傳十四年太宗將幸同州校獵屬收穫未畢仁軌上表諫曰臣聞屋漏在上知之者在下愚夫之

計擇之者聖人是以周王詢於芻蕘殷后謀於版築故得享國彌久傳祚無疆功宣清廟慶流後葉

伏惟陛下天性仁愛躬親節儉朝夕克念百姓爲心一物失所納隍軫慮臣伏聞大駕欲幸同州教

習臣伏知四時蒐狩前王恆典事有沿革未必因循今年甘雨應時秋稼極盛元黃互野十分纔收

一二盡力刈穫月半猶未訖功貧家無力禾下始擬種麥直據尋常科喚田家已有所妨今旣供承

獵事兼之修理橋道縱大簡略動費一二萬工百姓收斂實爲狼狽臣願陛下少留萬乘之恩垂聽一介之言退近旬日收刈總了則人盡暇豫家得康寧輿輪徐動公私交泰太宗特降璽書勞曰卿職任雖卑竭誠奉國所陳之事朕甚嘉之

高宗永徽三年耕於籍田以先蠶爲中祠

按唐書高宗本紀永徽三年正月丁亥耕籍田

按

舊唐書本紀三年正月籍於千畝賜羣官帛各有差

按冊府元龜三年正月丁亥親享先農御

耒耜率公卿耕於籍田賜羣官帛各有差

按文獻通考三年三月制以先蠶爲中祠有司言按

周官宗伯后不祭則攝而薦豆籩徹明王后之事而宗伯得攝行之伏以農桑乃衣食萬人不宜獨闕先蠶之祀無已則皇后遣有司享之如先農可也

顯慶元年三月辛巳皇后親蠶

按唐書高宗本紀云云

乾封二年行籍田禮躬耒耜九推

按唐書高宗本紀不載

按冊府元龜乾封二年正月十八

日行籍田之禮躬耒耜而九推焉禮官奏陛下合三推上曰朕以身率下自當過之恨不終於千

畝耳禮畢降雪盈尺

按唐書禮樂志及冊府元龜又載肅宗乾元二年事與此相同疑乾封二字訛

總章二年三月癸巳皇后親蠶 按唐書高宗本紀云云

上元元年三月己巳皇后親蠶 按唐書高宗本紀云云

上元二年三月丁巳天后親蠶 按唐書高宗本紀云云

儀鳳二年親耕籍田作籍田賦 按唐書高宗本紀不載 按冊府元龜儀鳳二年正月乙亥帝親

耕籍田於東郊禮畢作籍田賦以示羣臣

儀鳳三年五月幸籍田所觀區種手種數區 按唐書高宗本紀不載 按冊府元龜云云

中宗景龍二年勅諸州蠹地利 按唐書中宗本紀不載 按冊府元龜景龍二年七月辛卯勅誠

諸州郡督刺史縣令務蠹地利禁游食

睿宗先天元年正月戊子耕籍田 按唐書睿宗本紀云云 按冊府元龜景雲三年元年正月

月戊子幸滌東親耕籍田祀先農 又按冊府元龜太極元年元年正月戊子親耕籍田

元宗開元元年正月辛巳皇后親蠶 按唐書元宗本紀云云

開元四年詔關中併功收刈 按唐書元宗本紀不載 按冊府元龜四年九月壬寅詔曰關中田

苗今正成熟若不收刈便恐飄零緣頓差科時日尙遠宜令併功收拾不得妄有科喚致妨農業仍令左右御史檢察奏聞

開元十二年詔復流民開闢所在閒田免其賦役以宇文融爲勸農使 按唐書元宗本紀不載

按冊府元龜十二年六月壬辰詔曰有國者必以人爲本固本者必以食爲先先王於是務其三時前聖所以分其五土勸農之道實在於斯朕撫圖御曆殆踰一紀肝食宵衣勤乎兆庶故兢兢翼翼不敢荒寧頃歲以來雖稍豐稔猶恐地有遺利人多廢業游食之徒未盡歸生穀之疇未均墾以是軫念遣使臣恤編戶之流亡闕大田之衆寡至如百姓逃散良有所繇當天冊神功之時北狄西戎作梗大軍之後必有凶年水旱相仍逃亡滋甚自此成弊於今患之且違親越鄉蓋非獲已暫因規避旋被兼并既冒刑網復損產業居且嘗懼歸又無依積此艱危遂成流轉或因人而止或庸力自資懷土之思空盈返本之徒莫遂朕處荷丕構子育萬姓立德非宜而茲弊未革納隍馭朽實切於心既深在予之責思弘自新之令其先是逋逃並宜自首仍能服勤墾畝肆力耕耘所在閒田勸其開闢逐土任宜收稅勿令州縣差科征役租庸一皆蠲放若登時不出或因此更逃習俗或然非以

爲法且阻我誠信是紊我大綱爰及所繇須加嚴限且天下風壤多有不同地既異宜俗亦殊習固當因利制事不可違人立法宜令兵部員外郎兼侍御史宇文融兼充勸農使巡按人邑安撫戶口所在與官寮及百姓商量處分乃至賦役差科於人非便者並量事處分續狀奏聞務令安輯勿使勞繁當行賞罰之科各竭忠公之力所到之處宣示百姓達我勸人之心

開元十五年以宮中蠶繇賜宰臣以下 按唐書元宗本紀不載 按冊府元龜十五年五月丁酉是日夏至賜宰臣及供奉官諸司長官各綬繇先是帝命宮中養蠶親自臨視欲使嬪御已下知女工之事及蠶罷獲繇甚多因以賜焉

開元十六年勅諸州客戶有願屬邊緣利者給良田安置 按唐書元宗本紀不載 按冊府元龜十六年十月勅曰諸州客戶有情願屬邊緣利者至彼給良沃田安置仍給永年優復宜令所司卽與所管客戶州計會召取情願者隨其所樂具數奏聞

開元十七年詔罷力役不急務以就農桑 按唐書元宗本紀不載 按冊府元龜十七年春正月丁酉詔曰獻歲發生陽和在候乃睠眈庶方就農桑其力役及不急之務一切并停百姓間有不穩

便事須處置者宜令中書門下與所司喚取朝集使審問商量奏聞

開元十九年正月丙子耕於興慶宮

按唐書元宗本紀云云

按冊府元龜十九年正月丙子

親耕於興慶宮龍池二月癸未皇太子鴻等奏曰昨正月二十七日伏見陛下於興慶宮親耕三百餘步既而青光紫氣覆地臣等聞舜在歷山之下人微之事也漢有鉤盾之間兒童戲之猶正經所尚良史稱多況陛下運德協靈聖情逮物上爲宗廟下預黔黎躬耕籍田天下幸甚較其盛禮百倍於三推考其嘉瑞獨高于千古而九霄四遠中外阻絕冢司莫繇見直筆所未聞使帝跡不激揚聖美不昭晰皆臣子之過也是以臣等冒昧上陳伏乞恩慈令宣示朝廷錄付史館則罄天率土殊情同幸帝曰人之大事實在於農故務其三時播諸百穀是用仰遵千畝之籍躬闕三推之禮所以供祀宗廟率先下人亦何足光乎史冊布諸中外也然汝等固請宜付史臣

開元二十一年詔罷興役以勸農功

按唐書元宗本紀不載

按冊府元龜二十一年正月詔其

聚衆興役妨時害功特宜禁止以助春事

開元二十二年帝於苑中種麥率皇太子已下躬自收穫

按唐書元宗本紀不載

按舊唐書本

紀二十二年夏上自苑中種麥率皇太子已下躬自收穫謂太子等曰此將薦宗廟是以躬親亦欲令汝等知稼穡之難也因分賜侍臣謂曰比歲令人巡檢苗稼所對多不實故自種植以觀其成且春秋書麥禾豈非古人所重也

開元二十三年親祀神農執耒耜九推 按唐書元宗本紀二十三年正月乙亥耕籍田 按禮樂

志二十三年親祀神農於東郊配以句芒遂躬耕盡壟止 按冊府元龜二十三年正月十八日

親祀先農禮畢降至耕位侍中執耒太僕秉轡帝謂左右曰帝籍之禮古則三推朕今九推庶九穀之報也讚導者跪而奏曰先王制禮不可踰越帝曰夫禮豈不在濟人治國勤事務功乎朕發乎至誠深惟嘉殖將以勸南畝供粢盛豈非禮意也於是九推而止公卿以下終其田畝制曰昔者受命爲君體元立極未有不謹於禮而能見教於人朕且庶乎有慙作者方冊存而可舉典章絕而復尋自古所行無一而廢將以上乞靈於宗社下蒙福於黎元朕茲精誠天寶降鑒今嗣歲初吉農事將起禮先本於耕籍義緣奉於粢盛是所嚴祇敢不敬事故躬載耒耜親率公卿以先萬姓遂千畝謂敦本之爲耳何布澤之更深宜有順於發生俾無偏於行惠可大赦天下

開元二十九年詔刺史縣令加意勸課 按唐書元宗本紀不載 按冊府元龜二十九年制曰古之爲理必順時行令獻歲發春仁氣育物直叶陽和之德以勤播種之務天下諸州委刺史縣令加意勸課仍令採訪使勾當非灼然要切事不得妄有追擾其今月諸色當審人有單貧老弱者所司卽揀擇量放營農至春末已來並宜准此

天寶五載詔罷不急之務以勸農 按唐書元宗本紀不載 按冊府元龜天寶五載正月詔曰今土膏旣動農事將興丁壯就功不可妨奪其不急之務一切並停

天寶九載禁賣穀禾充馬藥 按唐書元宗本紀不載 按冊府元龜九載七月詔曰農爲政本食乃人天必禾稼之及期遂京坻之厚積是以愛人存乎重穀勤政在乎厚生俗之所資何急於此如聞達近每至秋中穀禾熟時卽賣充馬藥苟求規利之心殊害生成之性靜言斯弊實資懲革自今已後不得更然其三京及天下諸郡並委所繇長官嚴加捉搦如非成熟不得輒刈犯者量決四十仍榜示要路咸使聞知

天寶十四載詔停不急之務以待農閑 按唐書元宗本紀不載 按冊府元龜十四載正月詔不

急之務一切且停待至農閑任依常式

肅宗乾元年后親蠶苑中帝勅來年行籍田禮

按唐書肅宗本紀不載

按后妃傳肅宗廢后

庶人張氏乾元初立爲皇后親蠶苑中群命婦相禮儀物甚盛二年羣臣上帝尊號后亦諷羣臣尊己號會月蝕乃止

按冊府元龜乾元元年十二月癸亥勅來年正月十日拜九宮壇十一日籍

田

乾元二年正月戊寅耕籍田三月己巳皇后親蠶

按唐書肅宗本紀云云

按禮樂志二年詔去

耒耜雕刻命有司改造之天子出通化門釋輶而入壇遂祭神農氏以后稷配冕而朱紘躬九推焉
按冊府元龜二年正月丁丑帝將有事於九宮之神兼行籍田之禮自明鳳門出至通化門釋輶而之壇所宿於齋宮戊寅禮畢將耕籍田先至於先農之壇因耒耜有雕刻文飾者謂左右曰田器農人執之在于樸素豈貴文飾乎乃命撤之下詔曰古之聖王臨馭天下莫不務農敦本保儉爲先蓋用勤身率下也屬東耕啟候爰事籍田將欲勸彼蒸人所以執茲耒耜如聞有司所造農器妄加雕飾殊非典章況組轅縹軌前王有制崇奢尙靡諒爲所疵靜言思之良用歎息豈朕法堯舜重茅茨

之意耶其所造雕飾者宜停仍令有司依農用常式卽別改造庶萬方黎獻知朕意焉翌日己卯致祭神農氏以后稷配享帝冕而朱紱躬秉耜而九推焉禮官奏陛下合三推今過禮帝曰朕以身率下自當過之恨不終於千畝耳旣而佇立久之觀公卿諸侯王公已下耕畢然後自春明門入至東陽門起居聖皇乃還大明宮自前年旱冬又無雪禮畢降雪盈尺司天臺初奏籍田樂作有南風應律以協時令年豐之兆晝則黃雲捧日夜則紫氣抱樞

上元二年詔天下刺史縣令親勸農桑又詔州置司田叅軍一人縣置田正二人按唐書肅宗本紀不載按冊府元龜上元二年正月詔王者設教務農爲首今土膏方起田事將興敦本勸人實惟政要宜令天下刺史縣令各於所部親勸農桑九月詔曰田功在謹農事惟勤不有司存何成種穀諸州等各置司田叅軍一人主農事每縣各置田正二人於當縣揀明嫺田種者充務令勸課

寶應元年詔建辰月曠騎三分留一餘放歸農至建巳月依常式諸州設法勸課按唐書肅宗本紀寶應元年建卯月辛亥大赦按冊府元龜寶應元年建卯月御明鳳樓大赦詔其建辰月應

舊曠騎宜三分量留一分其餘卽放歸營農至建巳月任依常式諸州刺史縣令及司田叅軍令設

法勸課令其耕種不得失時貧不支濟戶仍方圓處置量事借貸務令存立歲終巡案量其功效
代宗永泰元年詔停一切專營農事 按唐書代宗本紀不載 按冊府元龜永泰元年正月朔大
赦制曰農政本也食人天也方春之首重於東作除軍興至急餘一切並停令百姓專營農事其逃
戶復業及浮客情願編附者仰州縣長吏親就存撫特矜賦役全不濟者量貸種子務令安集

大曆十三年以支渠妨農壞渠磴八十餘所 按唐書代宗本紀不載 按冊府元龜大曆十三年
正月壞京畿白渠磴八十餘所以防奪農業也帝思政理之本務於農人以田農者生民之源苦於
不足磴礪者興利之業主於並兼遂發行具其損益之繇僉以爲正渠無害支渠有損乃命府縣
凡支渠磴一切罷之時昇平公主上之愛女出降駙馬都尉郭曖有磴兩輪并曖父子儀有磴兩輪
並在支渠內公主聞之不時入謁乞留此磴帝曰公主曰吾爲蒼生爾識吾意可爲衆先公主遂卽
日毀之由是諸磴不令而毀者非一百姓便之自去冬少雪時日雨雪豐霈咸以爲聖感

德宗貞元二年詔給關輔耕牛袁高奏請貧人三兩家共給一頭從之 按唐書德宗本紀不載

按舊唐書袁高傳貞元二年以上以關輔祿山之後百姓貧乏田疇荒穢詔諸道進耕牛待諸道觀察

使各選犂牛進貢委京兆府勸課民戶勘責有地無牛百姓量其地著以平均給之其田十畝已下人不在給限高上疏論之聖慈所憂切在貧下有田不滿五十畝者尤是貧人請量三兩家共給牛一頭以濟農事疏奏從之

貞元五年令百官進農書獻種稔之種 按唐書德宗本紀不載 按舊唐書本紀五年春正月詔以二月一日爲中和節宰臣李泌請中和節日令百官進農書司農獻種稔之種從之

貞元六年百寮進兆人本業書司農獻黍粟 按唐書德宗本紀不載 按舊唐書本紀六年二月戊辰朔中和節百寮進兆人本業三卷司農獻黍粟各一斗

貞元二十年詔務農桑 按唐書德宗本紀不載 按冊府元龜二十年詔曰理化之本繫乎京師副朕憂人屬於長吏宜勉務農桑各安生業以舒朕懷

憲宗元和五年詔以來歲正月籍田令有司詳定儀注 按唐書憲宗本紀不載 按禮樂志元和五年詔以來歲正月籍田太常修撰韋公肅言籍田禮廢久矣有司無可考乃據禮經參采開元乾元故事爲先農壇於籍田皇帝夾侍二人正衣二人侍中一人奉耒耜中書令一人禮部尙書一人

侍從司農卿一人授耒耜於侍中太僕卿一人執牛左右衛將軍各一人侍衛三公以宰相攝九卿以左右僕射尚書御史大夫攝三諸侯以正員一品官及嗣王攝推數一用古制禮儀使一人太常卿一人贊禮三公九卿諸侯執牛三十人用六品以下官皆服袴褶御耒耜二并韜皆以青其制度取合農用不雕飾畢日收之籍耒耜丈席二先農壇高五尺廣五丈四出陞其色青三公九卿諸侯耒十有五御耒之牛四其二副也并牛衣每牛各一人絳衣介幘取閑農務者禮司以人贊導之執耒持耜以高品中官二人不袴褶皇帝詣望耕位通事舍人分導文武就耕所太常帥其屬用庶人二十八以郊社令一人押之太常少卿一人率庶人趨耕所博士六人分贊耕禮司農少卿一人督視庶人終千畝廩犧令二人間一人奉耒耜授司農卿以五品六品清官攝一人掌耒耜太常寺用本官三公九卿諸侯耕牛四十其十副也牛各一人庶人耕牛四十各二牛一人庶人耒耜二十具鍤二具木爲刃主籍田縣令一人具朝服當耕時立田側畢乃退畿甸諸縣令先期集以常服陪耕所耆艾二十人陪於庶人耕位南三公從者各三人九卿諸侯從者各一人以助耕皆絳服介幘用其本司隸是時雖草具其儀如此以水旱用兵而止

按冊府元龜五年十月丁亥制來年正月

十四日朝獻太清宮十五日謁太廟十一日籍田於東郊宜令所司准式十一月丙午制曰朕以東郊籍田禮之重者爰擇吉亥用祀先農上以供粢盛下以勸稼穡式展三推之義敢辭四體之勤亦既草儀方將肅事載思理本旁采衆詞以江淮水旱之餘河朔師旅之後宜寬物力以濟元元況當三農休息之時百司供具之費道塗灑掃暴露勤勞惕然在懷是用中止雖前有成命皆已施行而重煩吾民則無固必其來年正月十六日籍田禮宜停於戲夫聖人無心以徇百姓朕亦虛己用圖大中苟事有未宜則改而求當凡百卿士期悉予懷是時太常修撰韋公肅奏曰伏惟元和五年十一月勅將行籍田令有司詳定儀注伏緣籍田禮廢已五十餘年有司案牘無可簡尋今據禮經兼採開元乾元故事並徵前代沿革參酌詳定勅付所司施行而罷

元和七年四月癸巳詔民田晦樹桑二

按唐書憲宗本紀云云

按冊府元龜七年四月詔曰

農桑切務衣食所資始聞閭里之間蠶織猶寡所宜勸課以利於人諸道州府有田戶無桑處每檢一畝令種桑兩根勒縣令專勾當每至年終委所在長吏檢察量其功具殿最奏聞兼令兩稅使同訪察其桑仍切禁採伐犯者委長吏重加責科